

Deklaracija Komisije za restrukturiranje policije

Police Restructuring Commission Povjerenstvo za restrukturiranje policije Komisija za restrukturiranje policije Комисија за реструктурирање полиције

Komisija za restrukturiranje policije Bosne i Hercegovine se sastala u Briselu, 28.10.2004. godine u Institucijama Evropske Unije i prezentirala ovu Deklaraciju komesaru Evropske Unije za vanjske poslove, Nj. E. Chris Pattenu, i generalnom sekretaru Vijeca Evrope i visokom predstavniku za zajednicku sigurnosnu politiku, Nj.E. Javier Solani.

DEKLARACIJA

Komisija za restrukturiranje policije je ponovo potvrdila svoje opredjeljenje da ispuni svoj mandat i predlozi jedinstvenu policijsku strukturu za Bosnu i Hercegovinu pod sveobuhvatnim politickim nadzorom ministra ili ministara u Vijecu ministara, kako je receno u Odluci Visokog Predstavnika kojom se uspostavlja Komisija za restrukturiranje policije od 2.7.2004. godine, a u skladu sa nacelima opisanim u istoj Odluci.

Cijeneci vaznost sigurnosnog okruzenja za gradjane Bosne i Hercegovine kao jednog od osnovnih uslova za ulazak BiH u porodicu demokratskih evropskih zemalja, Komisija za restrukturiranje policije je potvrdila znacaj svog rada u kontekstu Izvjestaja Komisije evropskih zajednica od 18.10.2003. godine o spremnosti Bosne i Hercegovine za pregovore o Sporazumu o stabilizaciji i pridruzivanju sa Evropskom Unijom.

Komisija za restrukturiranje policije se rukovodila u svom radu Odlukom o nacelima, prioritetima i uslovima sadrzanim u Evropskom partnerstvu sa Bosnom i Hercegovinom, koje je usvojilo Vijece Evropske Unije u junu 2004. godine, i svjesna je njegovih implikacija za restrukturiranje policije u Bosni i Hercegovini.

Od svih vladinih funkcija, policija je jedna od najvidljivijih sluzbi i usko je povezana sa gradjanima. Komisija za restrukturiranje policije vjeruje da je neophodno da rad policije u Bosni i Hercegovini bude profesionalan, efikasan, djelotvoran, fer, depolitiziran i nepristrasan. Policija mora biti odgovorna prema zakonu i zajednici i mora predstavljati drustvo koje sluzi. Mi smo opredjeljeni da to i osiguramo.

Komisija za restrukturiranje policije nadalje vjeruje da policija u Bosni i Hercegovini mora biti sposobna da odrzava red i mir, te da sto efikasnije odgovora na kriminal i na probleme javnog reda. Policija bi trebala pruhati policijske usluge u konstruktivnom partnerstvu za zajednicom na svim nivoima i teziti da pridobije puno povjerenje javnosti. To je i nas cilj.

Objavljeno u Briselu, 28.10.2004. godine